



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Regimine Ecclesiae Episcopalis In Octo Libros Distributus

Antonelli, Giovanni Carlo

Velitris, 1650

An, & quando Episcopus possit punire Regularem à suo Conuentu
recedentem sine licentia Superioris. Cap. XV.

urn:nbn:de:hbz:466:1-11401

CAP. XIV.

Quando Regularis degens extra
monasterium possit ab Epi-
scopo puniri.

Regularis extra mona-
sterium degens si de-
linquat, ab ordinario
loci tanquam super
hoc à Sede Apostolica delegato
secundum canonicas sanctiones
visitari, puniri, & corrigi potest
iuxta Conc. Tridentinum sess. 6. de
ref. cap. 3. cuius dispositionem
procedere etiam in Equitibus
Hierosolymitanis dicit Azor. In-
stit. mor. par. 1. lib. 13. cap. 4. quest. 3.
Rodrig. qq. reg. to. 2. q. 2. ar. 7. Spe-
rell. decif. 38. num. 18. Loccatell. de
Quo Fr. iudic. insp. 5. n. 136. Barbof.
de offic. & pot. Episc. par. 3. all. 105.
num. 15. quamvis de hoc dubitet
Nau. conf. 21. de Regul.

Ex quo inferunt DD. quod
Regulares, qui extra Conuentum
etiam de Superiorum licentia
causa studiorum, vel occasione
docendi doctrinam Christianam,
vel nouum monasterium con-
struendi morantur, possunt ab
ordinario puniri, nisi ibi uiuant
sub superiore conuentualiter iu-
xta regulam institutum, Conc. Tri-
dent. sess. 21. de ref. cap. 8. & sess. 25.
de Regul. cap. 4. in fin. & censura
etiam Sac. Congregatio apud Pia-
nc. in Prax. Episc. par. 2. cap. 3. nu.
42. Vulp. in Prax. iudic. cap. 4. 2. nu.
21. Sperell. decif. 38. num. 19. & 21.
Barbof. de offic. & pot. Episc. par. 3.
all. 105. num. 16. Ricc. in Prax. for.

acces. par. 3. ref. 269. contra Lezan.
in Sum. qq. reg. tom. 1. cap. 11. ubi
dicit, quod decretum Concilij
procedit solum in Regularibus
degentibus extra monasterium,
absque licentia Prælati, quia de-
gens extra monasterium cum li-
centia Prælati, dicitur esse in
monasterio.

Regulares vero sub regulari
obseruantia in aliquo membro,
seu grancia sui monasterij pro
Religionis seruitio cum licentia
Superioris commorantes, non
ab ordinario, sed à superiore re-
gulari puniendos esse, tenet DD.
quos refert, & sequitur Barbof.
d. par. 3. all. 105. num. 17. quia hu-
iusmodi loca gaudent priuilegijs
monasteriorum, quorum sunt
membra cap. recolemes 5. cetera
de Stat. Monach.

Addit Lezan: in Summ. to. 3.
ver. Episcopus quoad Regulares
num. 24. Concilium loco cit. ha-
bere locum contra Regularem
extra monasterium per notabile
tempus existentem, non autem
si ad breue tempus extra clau-
stra commoretur: quia illud ver-
bum, degens, quo utitur Con-
cilium, significat existetiam diu-
turtam, non breuem, seu tran-
seuntem.

S V M M A R I V M.

Regularis sine licentia Superio-
ris à suo Conuentu recte deni-
quatus ab ordinario puniri: decla-
ratur nu. 2. & seq.

CAP. XV.

An, & quando Episcopus possit punire Regularem a suo conventu recedentem sine licentia superioris.

Non licet Regularibus a suis Conuentibus recedere etiam prætextu ad Superiores suos accedere, nisi ab eisdem missi, aut vocati fuerint. Qui vero sine prædicto mandato in scriptis obtento repertus fuerit, ab ordinarijs locorum tamquam desertor sui instituti punitur *ex Conc. Tridentino sess. 25. de Regul. cap. 4.*

2 Observant tamen DD. Concilium loco cit. non substulisse legitimam appellationem, *Nau. cons. 4. num. 5. de Appell. Ricc. in Prax. for. eccl. par. 4. ref. 329. & seq.* & ideo si Regularis supra modum grauatus sine licentia ad suos Superiores pergat, ut a tali liberetur grauamine, non incideret in penas Concilij: quia dicens se grauatum, ob idque adiens Superiorem videtur appellare *cap. dilecti 2. de Appellat. Rodrig. qq. reg. to. 1. q. 30 art. 3. Cened. pp. qq. canon. 7. 26. nu. 20. vbi dicunt, quod in tali casu non esset necesse impetrare licentiam Prælati immediati, ad cuius grauamen tollendum pergitur ad Superiorem iuxta glos. in cap. cum pastoris 2. q. 7.*

3 Ex quo infert idem Cened.

loco cit. num. 22. Lexan. in Sum. qq. reg. to. 1. cap. 11. num. 11. Regularè non esse puniendum, si fidem faceret, se grauatum appellasse, vel de grauamine protestatum, iter asripuisse ad Superiorem, & ideo licentiam in scriptis secum non deferre, quia Prælati, a quo appellauit, noluit eam sibi concedere.

4 Observant, quod Religiosus ordinis Prædicatorum non habens licentiam potest ab ordinario puniri, etiam si adeat superiorè ex causa grauaminis: quia in Constitutionibus Fratrum Prædicatorum interdicitur ipsis Religiosis appellatio; & ideo eo ipso, quod aliquis in prædicta Religione professionem emittit, videtur huiusmodi appellationi renunciare, *Cened. loco cit. nu. 22. Ricc. in Prax. par. 4. ref. 335.*

5 Hoc tamen intelligendum est, quando non est excessus in correctione, & mandata, vel præcepta Superiorum sunt rationabilia & legitime facta; nam si Superior in ijs deficiat, potest Religiosus appellatione tamquam iuris naturalis subsidio se tueri, *ut d. Nauar. d. cons. 4. num. 5. Ricc. in Prax. d. par. 4. ref. 336.*

S V M M A R I V M.

- 1 Regulares, quibus incumbit cura animarum personarum secularium, si delinquant in officio, ab Episcopo puniuntur.
- 2 An hoc procedat contra Rectores ecclesiarum militum S. Ioannis Hierosolymitani.